

四庫全書

集部

欽定四庫全書

集部

淳熙稿卷十一

詳校官庶吉士臣吳烜

主事臣呂雲棟覆勘

總校官編修臣朱鈐

校對官中書臣吳樹萱

謄錄監生臣廉永倫

欽定四庫全書

淳熙稿卷十一

宋 趙蕃 撰

五言律

立春日自城還縣道中作

晴烟生野聚凍雪被山田  
樹樹梅花下芊芊麥秀邊  
春今日立白髮此身憐更想  
痴兒女悲啼憶去年

舊縣道中二首

昨日風既止今晨風未收浮波羨幽鳥喚雨怕鳴鳩遺  
寺荒村裏貞祠古渡頭登高謝能賦物色漫分留  
綠樹依平岬平波映綠蕪中分雖有路四極却成湖艇  
子時三兩漁村定有無誰其為題作東野覓詩圖

五月二十一日徙寓智門二首

來歸迨一載借屋已三遷易覺林間寺難求郭外田  
餅儲朝乏粟市糴日增錢屢起瞻雲漢今年甚去年

欲去未能去暫留還此留參差喬木合映帶野塘幽父

老記舊築孫曾非昔遊惟餘補陀像香火得勤修

六月十五日時閔雨甚矣三首

一雨向何落衆蟬空此鳴乍欣涼吹入已復斷霞橫尚  
擬通宵聽何妨礙月明豐凶終有數憂苦自相并

萬室望霓願千村車水歌民勞已至此天意定如何朝  
聽聞爭米宵傳說借禾始焉因食飯終矣事干戈

去此林篁蔽出茲溪谷深倍能明病眼頓覺洗塵襟問

隱平生志依僧夙昔心危亭已無跡斷刻尚堪臨

是日除翦

寺後臨溪亭下  
林薄之翳密者

連日欲雨輒為風所敗

不雨又一月望霓空衆心雷師非敢息風伯故相侵國  
祀居常典天誅僊下臨誰能奮韓筆併為丐商霖

初七日雨殊未沾足作四十字

上天憐久旱赫日變濃陰要使今年熟須成三日霖蕭  
疎財却暑點滴謾過林問我無田客那懷閔雨心

遲曉微雨已而復止

曉雨初傳聽晨窗已斷聞日行將杲杲雲起更紛紛不似歲且盡直疑春向分南方故諳此北叟漫驚云

僕自乙酉至今凡四冬至皆在羈旅感慨成詩至日長為客天涯空浩歎貧知學道力晚悟作詩難故舊勞相問功名夢已殘書生例難蹇未可厭寒酸

玉汝從溧陽來辱李晦菴以詩問訊次韻寄答  
二首

新詩明勝錦健筆快於錐工部深陶冶昌黎雜恠竒殷

勤能寄遠風俗賴扶衰屢作挑燈讀何勝對雨思  
有身真有累無地亦無錘遇事頻三北干時愧六竒自  
嗟寒若此誰閔病而衰已辦窮秋去寧餘幾日思

冬日雜興

日出山門曉日入山徑陰區區昏復旦役役古猶今竹  
瘦人群玉菊荒文碎金泛觀難究理默識自明心  
節物他鄉晚風聲大壑俱深愁木斯拔寧慮蔓難圖杜  
老衣何短顏公米已無可憐雜瑟縮幸免鼠睂財



暑雨報禾熟霜晴憂菜空  
藜羹聊自誑肉食念何功  
歲晚貧兼病年來西復東  
詩成資遣悶文就返招窮

憤憤若有失岑岑殊未佳  
枯藜茅屋靜高枕竹窻斜  
冬日誰云短吾生幸有涯  
薰爐微結篆茗盃細浮花

鷺舉虞卿壁山開京兆眉  
窮愁雖付酒閒意更關詩  
地瘠黃楊燥旱深蕎麥遲  
冬溫要非正冰霰汝為期

要識豐年象閑觀別墅詩  
雞聲一閒暇人語兩娛嬉  
北闕非無怒東臯且自怡  
物華從晚晚吾意亦差池

久矣勞生厭欣然野趣俱蒼姿松砥節外飾橘紆朱翰  
墨真吾好功名已後圖一椽今粗有二頃莫憂無

楊柳迎霜敗枇杷隔歲花柴桑今學隱杜曲舊為家北  
訊時聞鴈南烹久厭蛙歸津隔吳越隨地且桑麻

留題竹隱

逐日身頻役來歸歲兩徂已悲松老大更覺徑荒蕪築  
室期終隱干時恥異圖因聲里中老為護竹邊籬

雨中懷竹隱

還因今夜雨憶着故山涼野水循除急筠出屋長螢  
光侵蕙帳鼠迹亂書囊豈不念歸去懷哉方絕糧

得山中訊

忽枉山中訊新篁長舊竿風神渴瀟灑消息報平安昔  
已開三徑歸何病一簞借居寧自逸理索不應難

次韻斯遠見寄

近市嫌紛擾山居取靜深俗塵雖遠隔住處闕同臨孰  
愈思君瘦頻來可老吟便應如對面何止伴孤斟

冲谷過予晏齋

夢裡春歸去榴花晚欲然  
窓晴書味熟竹密鳥聲圓  
多病妨搜句逢人懶問禪  
澹然無可語危坐了鑪烟

夜憶逸

雨聽止復作灘聞柳更揚  
貪程謂日短無寐識更長  
兒歎父官遠父憂兒學荒  
渠能志游夏我可吊沅湘

寄內及兒女二首

誰令未得歸不解忍長飢  
歲晏得無感書來何況遲  
鴈

聞傷北客梅動是南枝  
悵望山菴竹青青獨守墀  
幼子未識面吾兒無用英  
家雖以儒奮身欲事農耕水  
竹為居處布荆令女行超  
然老夫婦脫粟配藜羹

曝日二首

勿謂吾居陋能未曉日多  
屈伸忘病體淪浹見天和  
孰愈萬全藥賢於五袴歌  
食芹真有味獻語欲同科  
肅肅初停照熙熙頓得春  
人知受天賜為我樂堯民  
體垢使搔抑坐多忘欠伸  
階除失餘潤窓戶走遊塵

早作

雞送山窻月鐘殘歌枕眠櫛疏知鬢禿肘見覺裘穿  
覓句無新意繙書有舊緣縱違幽事喜差免俗塵煎

元日病中

故國歸無路深居懶問津莫嗟今歲病還守去年負禦  
冷休嫌絮開懷但飲醇東風到梅柳枯木自逢春

病中即事

病態與時關炎涼僅覆翻秋風已吹鬢沴氣尚留根比

屋均如此吾生敢自論  
苦嗟詩慙廢斗水汲深渾

病中即事十五首

半百還過半平安殊未平  
飢寒兼抱病造物此何情  
詎敢懷尤怨那能問否身  
獨憐無以養深愧下簾生

汀袍猶擁綠林幄尚遮青  
霖雨秋冬接商飈早晚經  
枯萋明野燒槁葉暗深坳  
榮謝何終極衰遲孰所令

炎涼自時態何乃戰胃中  
譴句追韓子辟碑摹魯公  
聞塵非為蟻是境不因工  
要使神明復毋辭瞑眩攻

宵晴朝復雨夜雨曉還晴未識冬天爾渾疑春令人  
人憂瘡癘物物敗生成禮法繇未古官居孰用情

端居念朋友多病懶書題懷舊頻搔首看雲獨杖藜魚  
沉秋水濶鴻遠暮天低直恐乖離久相逢老少迷

莽莽前山隔冥冥獨樹遮斷行迷白鷺垂翅濕歸鴉曠  
色看仍合羈愁望愈賒不應緣一病全失醉生涯

晚食以當肉人言燭巧貧茹蔬何不可設說未為真既  
屏猪肝累何須鮭菜珍夜煨牛糞芋朝爨破鐺塵



蒲柳望秋衰風霜况此時人今非少壯病祇益清羸幾  
誦立名語頻哦看鏡詩浮生那足恃迅景不容追

叢菊雖云薄秋花獨此芳祇愁霜後槁寧慮雨前荒蝶  
冷飛無迹蛩哀咽更長嗟予自失所對汝益增傷

嬾命雞栖駕分安龍具寒枕肱朝日美擁鼻北風酸偽  
異公孫被甘同陋巷簞啼號從強聒憂樂聽旁觀

精廬名負郭古路別通村落葉多新積蒼苔半宿根杖  
藜溪見影步履雨流痕更羨兒童輩騎牛不駕轅

暮與牛羊夕朝隨鴉鵲興山林真可樂軒冕夢何曾供  
給欠升斗往還無友朋粗成酬二事老此詎難能

雨合湍流急風高松韻寒中宵空耿耿長夜苦漫漫夢  
去無多地愁來匪一端明朝對清鏡政恐覺凋殘

雨濕雲衣斂風沉月鏡昏誰家宵急杵何處苦啼猿  
思渾無思吟魂欲斷菟鍾聲繞近寺雞叫已遙村

風雨雖如晦雞鳴不廢晨牕明驚次第吾卧特遶巡泣  
豆因煮豆粕人何迫人為家疑宿業舊學似前身

人日立春

陰已至人日雨仍當立春梅花一開謝草色半陳新節  
物變風物病身成老身微吟終楚調高興屬詞人

十四夜用立春韻

舊雪猶連雪新春未得春燒燈當變節圓月與俱新避  
逅成朋飲飄流愴容身還家重蕭索山鬼闖廚人

立春日邂逅周文顯于子暢兄許飲酒論文歡  
有餘也成二首

文字追秦漢，筆軌保賤貧。延英空側席，下里老斯人。傾  
蓋寧嗟晚，推門莫厭頻。罷談芻狗用，且看土牛春。  
吾友南昌尉，典刑諸父風。元龍豪氣在，東野古心同。置  
酒能招我，論文更許公。相從真益者，那復嘆途窮。

俗有社日不飲酒，變為豬之說。作詩示兒曹。

雨勢來相續，陰霾鬱不舒。舉觴隨楚俗，酌醴從枯魚。宰  
肉非吾事，祈田願歲儲。龍豬自有分，社飲不關渠。

徐丈大雅有詩贈子暢，尉曹用韻呈子暢，兼東。

徐文

謝子姿野鶴，聳然常自昂。貪留故人飯，忘踏板橋霜。

近有

貴客過縣，君不出迎而招余飯。

舉世謬為敬，從吾醒亦狂。交遊有徐庶，

頭白尚東牆。

二月初二日二首

去歲不作瘡，今年乃病溫。初無一牀卧，但有小舟蹲。未  
怕黃州鬼，唯憂楚國魂。明朝強撐拄，搖兀到吳門。

所見與所聞，豪華同賤貧。寒時端有獨，溫處乃能均。幸

止約餽費深知天地仁流行代斯有不必嫁諸鄰

二月十二日雨寒

重設匡爐火還披故絮裘春風今已半地域况南頭次第農耕動侵尋花事休浮生有過鳥歸計欠沉牛

伏日

熱若應伏至風清非雨祥那知潦未退遽與旱相望荷損無裳被菊枯愆糗芳農夫還嗥我汝事異吾忙

六月十七夜出寺門驟有所聞疑水與風即而

觀之雨也對面而橫鴛鴦已而傾注中夕復作  
明日猶未已賦詩三首與欽止斯遠同之

驟得疑傾峽徐行若泛潮胡為隔田畝而不度林椒與  
氣雖能及餘波不可招不眠如有待衝口漫成謠

昨日真聊爾今宵頗快哉無嫌雨脚短故喜早頭開一  
飽歸天賜群凶勿幸災誰驅霹靂駕更起阿香雷

中宵還瀏瀏乞曉更蕭蕭亟作溪頭看猶霑樹杪飄田  
家比屋喜沴氣十分消我得扁舟去江湖興久搖

時早  
久溪

自  
卷十一  
為之  
絕流

過水南甚早

夜雨曉僅止前山雲未收  
陂田飛宿鷺社木喚晴鳩  
雲裡浮圖級灘邊賈客舟  
故知山可住不覺利能謀

早題

夜雨曉猶濕曉天晴未分  
澄波靜如練秀野綠於雲  
禽語無殊聽鄉音有異聞  
要知皆可隱鳥獸詎同羣

早作



蕭蕭初對雨，灑灑急看晴。  
遠樹孤煙出，曠陂春水生。  
不關形役累，自作野田行。  
獨愧龍鍾者，猶斲穀秣耕。

早出

平明策蹇出，遇雨且歸休。  
樹樹花藏霧，田田水漫流。  
徒居還客寓，敗意阻春遊。  
賴有題詩興，聊當一以酬。

示逸二首

縱欲必富貴，成身多賤貧。  
寸陰寧重璧，江水本觴岷。  
勿但愈流俗，要當論古人。  
殘冬不十日，又說待來春。

菊種初猶落及今當稍蒨晴多須灌溉草蔓合耘治  
夏欲助茗椀秋當浮酒卮落英如可拾更得慰長飢

次韻斯遠晚步見懷

友遠弟仍出柴扃誰復過卷終方獨坐詩至得長哦  
我乏王楊體君寧崔蔡多相思欲相覓馬瘦怯陂陀

晚步溪旁示周次顏

村醉不能醒徐行得暫停路收泥活活田擁麥青青  
放意知予獨哦詩賴子聽要觀溪潦暴却畏晚風冷

中夜復書

涼生愁輾轉月上照鬢鬢  
林壑故對此溪山逢未曾吟  
哀蛩伴苦書絕鴈無憑更欲留  
危坐枝梧殆不勝

懷明叔晚題

室暗莫遽寢庭空成漫行  
蚊喧方夏聚蟲咽已秋鳴  
月淡星能著雲疏電或明  
可人非故乏幽處莫能并

晚作

午暑如許酷晚涼能爾清  
山陰雙鷺落林杪幾蟬鳴  
懶

對自閒坐閑穿不惜行追風更撐月安得小舟橫

郊居書事

物意因人喜人情與物和家家綠繭火處處挿秧歌麥  
熟黃疑委桑餘路尚多我居雖偏仄度日亦婆婆

課詩

灘長有餘逸灘迥不勝遲山帽堆雲絮水紋飛雨絲鷗  
鳴如避弋鳥倦盍投枝無計繁憂整聊因課小詩

信題

假日成惺日朝醒還暮醒餘寒猶未去破褐尚留情野  
樹梅花落空庭春草生得閑聊信筆不復強為名

不寐

近夢續遠夢長更和短更月窓疑雪積風袍苦宵行天  
外獨身在暗中華髮生歸田莫遲暮底是物窮亨

病卧聞益卿未行不能晤語成十字

臥聽晚來雨懸知明日行破床空輾轉高論阻崢嶸文  
選君精理江西我濫名官曹敢論契翰墨且尋盟

晨起聞雞

宿雨收茅屋群雞叫遠村病羸深擁褐厨罄晚開門  
流落何年已荒涼莫自存束書徒負載飢至不堪論

次韻和答斯遠入城見迎詩

往辱携詩送今勞入郭迎交情如許厚俗眼亦增明  
冬仲溪宜涸灘長路失平要歸歸已近物物繫吾情

四海豈不廣一身何所歸倦遊成白首知己固黃扉  
媿我尚斗食如君猶褐衣長年恨相遠晚歲得相依

晨興次季承韻

薄霧收殘雨，踈雲漏曉暎。  
泥行從上下，歸近得欣犇。  
近作要重錄，舊書仍再溫。  
平生屏居趣，畢世願衡門。

飯後獨立寺門，頗見搖落之境，欲收以詩，大費彈壓，僅得二首。

作詩無遠到，佇立有深思。  
集此溪山趣，充吾耳目資。  
唐虞紫微論，蘇李少陵詩。  
落落心雖在，茫茫力已疲。  
起望若有得，欲言殊費辭。  
冥搜累肝腎，凝想見鬚眉。  
此

樂誰能愈雖貧自勿疑是身寧大謬無事及諸兒

待成父不至

晚日下前村呼兒候草門屢驚鄰犬吠頻問路人言準  
擬繙詩卷經營置酒尊此懷無與共愁坐瓦空捫

石田渡口待潘文叔去歲亦嘗於此待端叔

野店當溪靜荒園得日寬頻因候客至併此把詩看肯  
寄山中信如今世上難却忘相見後勞苦雜悲酸

書事寄呈斯遠



路熟疑為短馬遲  
翻更長野田吹欲合  
林日凍無光未  
暇親書案頻成喚酒觴  
短檠今夕念我友正相望

晴晚立田間二首

落日明深塢微流咽  
斷橋牛童肩滯穗  
汲婦抱遺樵誰  
謂居田賤殊勝處  
富驕歸哉各其所  
吾亦飲吾歡  
負稻頰肩已腰鎌  
裹飯歸犬能迎  
別徑兒亦候  
幽扉共  
說去年熟却愁  
今歲飢及間  
還治圃促婦  
更鳴機

觀田者有感而作

白水田田滿青秧處處高雨淋無復旱人喜不知勞  
顧我方羈旅徒能慕汝曹豐年如可望賤糶亦多遭

已晴復陰

雲去疑收雨雲來復作陰已聞崩澗壑何止暗園林  
蛙鬪怒何事鳩鳴非好音農心殊閔閔病體更岑岑

晚坐欲過在伯而不能

暑威驗伏始月遲知望過無風能濯熱有句可蠲疴  
竟拙空頻點求工復屢哦思尋戴安道寧待雪舟何

書事

當暑暑何在以風風為生輿夫忘倦色客子慰歸情往  
者十年隔人馬幾日程同行得老伴餘事率詩鳴

寄題宋舜卿家小閣兼屬李亦韓梁進父二首

湖北終連北辰州是古州故家唯宋氏舊物有書不幾  
躡緣江路頻登小閣幽雖微少陵句不減浣花頭

憶我辰州友英英李宋梁參差由百棧悵望到三湘避  
迨書能寄追隨辱未忘南山如訪舊下有老耕桑

獨步寺前待斯遠不至

隔墅雞啼午，經檐鳥喚春。  
靜中成野步，老去得閒身。  
咫尺頻相覓，追隨定幾晨。  
村中應倍憶，海內復誰親。

中秋夜作去年今夕僕自北關過吳興

明月同千里，寒鄉又一秋。  
牀隨檜陰側，巾與桂香浮。  
此夕山中趣，它年雪上遊。  
諸兒皆楚語，老子自商謳。

十六日夜邀二劉饒錢同成父飲

籍甚中秋月，飄然四海兄。  
詩兼淡，仍泊酒，任濁還清。  
柳

映蕭蕭影灘聞活活聲明年當此夕擊柝政重城

邢兄大聲以重九日置酒約梁文仁伯段兄元

衡蕃亦與焉賦詩二首

解印何其勇五噫誰謂狂雲仍有人物家世未荒涼學  
造淵騫寢文推翰墨場論交有如此敢恨落殊方

栗里當年節柯山七字詩舉觴非狗俗懷往要銷悲暑  
絡膚侵凜風中鬢颯衰多君能醉我有容更同之

九日欲行宜之兄見留賦詩一首

節裡留羈客愁邊識此心  
臺高午時暖齋靜晚來陰  
白髮有衰盛黃花無古今  
君其賜菜會我乃見山吟

九日

今年重九日舟楫次蘭谿  
懷古心雖壯登高思却迷  
山空分向背木落盡高低  
多少羈栖恨寒猿斷續啼

十九日招老謝丈

再失重陽集才能一笑期  
兒童闖車馬雀避茅茨雨  
後橙初熟霜前菊未衰  
招邀幸臨顧傾飲莫相疑

十一月二十三日

正爾元無事胡然不自聊  
髯衰紛若雪梅早綴如椒  
太白傾殘榼方爐藝柿樵  
宦才成此味隱莫待渠招

歲除日立春

舊歲此夕盡新春今日回  
天公貪省事嘉節併相催  
謾有詩堪寫初無尊可開  
去年湖上寺尚可寄尋梅

還章泉山居

林園柿栗日郊野  
杭稻風居皆有餘  
適歲久無此豐台

背敬父老裹頭問兒童作客勿浪苦此地吾當終

同文顯過山居

不惜露侵衣俱行草徑微論文尊有酒竟日坐忘歸誰  
謂吾居陋能來好客稀林園故多暇杖屨莫相違

初夏山居有懷長沙徒游四首

日者因回使人纔致一書有懷那再寫為况又何如賈  
傅長沙國陶公五柳廬文章且難進可向友朋疏

我愛長沙國全如洛興伊諸公早聞道老我謾耽詩憶



昨相追逐何知有別離  
湘西一回首莽莽使天涯  
府谷我先契諸公吾輩流  
懸知盍簪際頗解憶人不  
蕙  
逐光風轉駕啼出谷  
幽因聲煩為我傳寫寄  
荊州

想見湘西路扶疏夏木長  
佛龕鐘磬寂書屋簡編香  
破霧穿晨屨衝風喚晚航  
向居嫌是客今夢却同鄉

子進子儀過予山居子進有詩次韻呈子進兄  
第二首

蓬蔴成蔽蔚隣曲斷經過  
茶供同桑芋香聞共補陀  
寒

蒲空有節古井久無波尚病留餘習詩成索細哦

荆谿有三士求識自初年才大俱詩伯公惟媿飲僂

子進

不飲而來詩有酒  
祿嗟予薄之句

結交期耐久過我地忘偏慚愧衡門

下今成頓有邊

王立之居于大梁城中有頓有亭為坡  
谷而名也子進今同子儀來過故得用

此語

### 挽汪養源舍人二首

要識公兄弟當年蜀兩蘓文章到宗匠人物見規模  
謾有詞垣用終遲政府須世緣殊未了忽復返清都

公作廬陵掾先君官贛州書郵時問訊江驛幾淹留撫  
事今安在臨風涕莫收誰為耆舊傳好寄竹林遊

先君  
頃為

東司屬官舍人  
為吉州掾

### 挽施文叔三首

豈但吾州少端如四海稀儒林據根柢玉德著光輝不  
遇寧渠戚傳亡始謂非及今何所語徒有淚霑衣

小作王官試還為幕府留綺歌偶意改散號覓歸休屈  
賈當重作瀟湘漫一遊胡為車未發已報病難瘳

資福我跨蹇智門分命車那知畢世隔但惜數年疏此  
士豈復有餘生誰與居遺文好收拾驥子記憐渠

挽謝景英文二首

尚友固十載過江真一時信曾前輩及寧後古人為竟  
作東山卧漫傳康樂詩荊州人物論夫豈惜吾私  
不見遂歷載寄書寧寫心凄凉歎垂白索寞遠知音只  
道成乖隔那知遂古今赤城何許日雲物渺難尋

挽余正叔

半生初未識一見驟相親  
九曲泛舟日紫溪沽酒晨  
我曹俱蹇薄吾子固真醇  
竟爾縈何疾胡為遽沒身

挽周畏知二首

鄉里雖諸彥情親不數人  
比年成屢哭將老愴吾身  
問學文辭外追隨寂寞濱  
有懷終不遂回首倍傷神

目疾初傳劇猶思礙讀書  
那知遽至是此恨合何如  
我己鬢俱白寧能世久居  
吾人門戶責驥子搃憐渠

挽周畏知母俞夫人二首

夫人不佞佛平日常何如臨死無貧苦與常同起居巫  
醫空睥睨孝敬謾勤渠性識真明達油然悟本初  
卜兆雖自古邇來聞見殊一言福後嗣百計走愚巫用  
意非流俗惟賢異此塗徐看好兄弟玉立騁天衢

挽沈夫人

五峯先生夫人  
也代潘友人作

夫子家齊政夫人實並賢女能堅素節兒亦嗣青編往  
日僧房寓曾親壽酒邊吁嗟難重拜奠哭亦無緣

挽徐提舉夫人盧氏

進已後師說中猶親母儀百年蘄未已一病乃無醫令  
子高交友韓公直筆辭是為能不腐雖死亦期頤

挽楊茂原二首

玉美終懷璞蘭香竟死林名期百世後恨獨九原深夜  
雨長形夢秋風遂絕音扁舟載孤旆行路亦沾襟

松老成哀吹天高慘暮雲如何歲時隔便作死生分經  
紀無家事編藏有舊文周侯誠義士節概過非君

謂周  
畏如

挽俞克晦丈二首

金...  
卷十一  
憶昨陳平相鄉閭例薦延蓬山渝奏墨巖邑漫銓員祠  
館歸求志周行數選賢那知終不偶幕府遂終焉

好官堪底用厚祿竟如何詩可傳家集名能繼世科流  
風親黨競餘慶子孫多挽送歸無策淒涼謾擬歌

挽周德友

不作玉堂仙猶宜入道山予才無乃厚賦命一何慳此  
日騎鯨去它年化鶴還委疏仍嗣野芳桂雜榛菅

挽趙路分善應三首



世俗紛為偽躬行率以誠拳拳將母念侃侃友于情濟  
物豈求報得仁非近名誰為太史傳獨行有宗英

公就專城養我安陶令廬幾因州府入得侍笑談餘課

誦列童推

公嘗觴蕃命諸孫朋誦語孟孝經于前

戚休詢里閭高堂朝夕

望寧復象平居

惟我先君子相於出自同年推大父行議篤古人風薄  
宦曾憐我經行阻見公訃聞仍墓日慟哭匪途窮

挽游迪功

通學元分族淵源信有餘二龍名屢貢一老慶懸車義  
利過庭訓興哀迂叟書他時家國事斬不負幽墟

挽曾達臣二首

邱壑豈遺物市朝寧汙塵士當明大節天下棄斯民玉  
筭遊仙夢浮雲閱世身襄陽獨耆舊他國頌無人

江右曾為氏南豐興贛州推其本儒素夫豈異源流迺  
日過遺宅有達皆好脩公侯生積善天道非悠悠

謁趙文鼎墓

君卧青山久余今白髮新秋風對搖落舊事入悲辛此  
世寧長世吾身豈久身蕭蕭聞鶴夜耿耿待鷄晨

同方景嚴謁介菴墓

又過餘干縣來瞻馬鬣墳侯芭今白首李漢舊多聞采  
若溪頭屋騎鯨海上雲生存零落句三復涕紛紛

樂南金秀才求其先處士君挽詩追作

此邦來已晚人物欠冰清要振平生實聊徵月旦評有  
兒真不朽求志得知名

秀才求周子充  
內翰為作誌銘

更欲求吾語吾言

曷重輕

聞鄭仲仁訃

未快沉寃雪俄驚東逝波平生萬卷讀遺句百篇多感  
德今如此天心果若何青山忍回首南望鬱嵯峨

挽李舒州二首

忽報舒州逝深同海內傷平泉無草木北海漫文章要  
作人琴歎空懷道路長臨風為之慟髮色變蒼蒼

一跌竟不起兩州空復更臺綱元振舉物論甚分明遂

絕朝天駑空傳跨海鯨  
遙知流涕者豈但一門生

挽曾仲躬侍郎三首

昔者嘉禾郡曾容謁長公已馬地官宅還獲見今翁識  
面雖先後陳詩匪異同如何一再慟祇向十年中

政報朱轡起旋驚丹旆歸死生何忽忽聞見悉依依  
獻納名元在吟哦事已非清風端可繼黃髮獨成違

好在茶青竹青青十百竿風煙飽持護鳥雀靜謝謹父  
子當年趣聲名後代看興懷非一事愁絕更思韓

挽南澗先生三首

唐室文公裔國朝桐樹家學探和靜蘊文嗣一門華尚  
擬咨黃髮居成後白麻公身寧有憾物論自興嗟

曾呂兼晁鄭吾州夙所尊流風嗟日遠耆舊賴公存見  
必詢詩卷聞仍置酒樽從今入州府寂寞向誰門

寂寞溪南路於今忍重經東來待樽俎南去哭丹青四  
裔傳碑版誰人作誌銘屏山空蟲蟲澗水暗泠泠

淳熙稿卷十一

欽定四庫全書

淳熙稿卷十二

宋 趙蕃 撰

五言長律

初五日呈潘提舉時禱雨應而未洽

潦退早隨至吏憂民足傷陂塘待天雨  
饘粥仰官倉事勢胡能久收成亟所望  
關心屢漢節用意格穹蒼忽已雲霓合  
兼之雷電將驟未能點點快落遂浪浪  
未復田

疇綠纔蘇菜隴黃粗能寬閔閔聊且慰皇皇末世耽饗  
佛前聞戒暴疋于公明孝婦卜式訟弘羊是可資邦本  
寧唯致歲穰公行有餘力我句漫斯狂半載官離次欲  
歸行絕糧何當荷蓑笠及此濟江湘

李蕭兄三貺詩且辱出示陵陽墨帖敢次韻一  
首為謝

中朝當極治人物近臯夔南渡更哀亂諸賢困逸遺舍  
人名最早白首但論思尚喜詩傳派于今學有涯居然



老成獨異彼俗書姿明眼逢吾子掀髯話昔時端能繼

蕪累

蕪累季蕭  
尊公集名

所見匪狐疑愧我安能友酬篇只韻隨

寄王謙仲周子充丈

吳蜀三分地沅湘合水流魚鰕今島嶼蘭茝舊汀洲  
月雨連晝莫春風送秋濕柔蠶餓死壤種穀漂浮弊屋  
無乾處吁嗟幾日休事多徵放逐文欲號窮愁懼禍初  
求免茲行重失謀官曹待符檄食事指衣裘淹速空占  
服行藏漫倚樓生涯縱草草行路勝悠悠弟妹懷天末

夢魂栖浪頭何當得散號從此具歸舟特達非無仗  
迤邐自過憂禁庭敦宿契樞府記鄉州幾遇長安使頻蒙  
禮翰投雖孤懸釜煮且益破囊收憂禹思由溺阿衡任  
內溝豈伊濟子弟而俾墮拘囚霄漢瞻歸雁波濤羨沒  
鷗懷哉上南斗去矣事西疇

雨後

畏暑常疑病逢涼還作詩岸巾看鏡懶步履過廊遲草  
樹消陳意江山發令姿裴徊如自得徙倚竟何為厚祿

書多斷長貧志未移無官帶難緩有竹俗能醫不遇徒  
成賦歸來亦漫辭行藏隨所遇造物豈無欺

呈莫大猷令

入境能知政昔聞今信然吾行萬安道頗識令君賢  
阡陌東西隔人家遠近連鋤青秧出水穗長麥搖煙犬吠  
稀逢客牛耕不廢鞭幽啼催穀布午霽起蠶眠檄罷追  
呼擾民爭賦入先太平真有象循吏可無前徑欲捐五  
斗從之受一廛經行嗟阻免少日待回船

歸途

招要非故約談笑偶然期  
假日寧憂夜徐行不用遲  
吾曹欣窈窕童騎苦逶迤  
罷酌餘樽酒催成未了詩  
事雖同栗里宿乃異西枝  
雨合泉如瀑嵐昏石似螭  
茲遊斷可再約友更携兒

贈嚴黎二師

往者聞三益今焉欠一夔  
寄詩曾併達得報乃相遺  
自說斯人死尤懷一見思  
高樓雖物外好句必天涯  
渺渺

煙霞趣蕭蕭  
蔬筍安徧叅  
真已悟換骨  
久其時以彼  
大成就而余  
深感疑刀圭  
如乞與瓶錫  
詎難隨

讀舊詩作

長日胡為度  
緇囊閱舊詩  
渭南雖乃祖  
脩水是吾師  
論自唐虞遠  
名繇屈宋垂  
相傳均一體  
所得亂他岐  
智鑿空竒字  
天成在達辭  
江山真末助  
學問本深基  
性癖端渠似  
窮工殆我欺  
誰能釣時譽  
聊以慰朝飢

使君以十月上休日燕通判教授縣令錄參沅

陵貴溪兩尉曹蕃亦與焉坐間出示宋荅公草  
書劉賓客詩圖李西臺呂東萊朱希真趙忠簡  
詩帖蕃賦詩十二韻以紀其事

假日黃堂燕窮冬白晝長風流話前哲翰墨出珍藏  
吾宗帖深於往事傷污泥躍鰕鱓大數暴豺狼薄暮仍  
添火終筵更益觴時雖當歲廩氣乃返春陽此固公為  
德寧云勢所當廣文忘獨冷半刺喜翱翔四士俱才茂

一夫惟鬢霜駮鸞首霄漢買犢自耕桑

謝張帥

試仰元戎貴還瞻簿領卑居間凡幾級其勢可懸知屢  
進黃堂拜夙蒙青眼期筵華紛饜飫飲劇聽淋漓既納  
違離謁并頌道路資間令叩齋閣禮謝列堦墀披豁忘  
名位高流詎測窺憂人多語政餘事亦論詩似欲徵凡  
作何勝枉譽辭更成湖上集仍廁幕中竒七字昔靈鷲  
五言今總持

兩處皆有  
公留題

流傳久已困收拾尚無遺自省

才惟薄難堪德過儀受之增踧踖見者亦驚疑暫爾休  
行役於馬紀謝私釣竿如可把懸榻定除絲

呈王侍郎昆仲二首

先契今餘幾文情不易論疇能逾薄俗未肯棄良門慨  
念我伯仲仰懷公弟昆自知真瓦礫那得並璵璠誰謂  
長江遠茲來匹馬奔匪因窮附達政以曲能敦遺愛淒  
其久高風凜若存青雲看星聚白髮對鷓原

徃未瞻烏府先曾涉杏壇予詩厖和答貽教異暄寒名



位元相絕知聞共駭觀于霄峙松柏流水會波瀾應念  
登門舊幾嗟行路難蒸湘方渺渺淮楚忘曼曼既見得  
良慰語離還浩歎深思盡心曲直覺欠豪端

沈沅陵生日

十載郊居賦當年蠟屐遊江山元好在人物繼風流秦  
牘頻能上絃歌特暫留白雲寬志養黃紙拜天休先契  
仍僚契賡酬復獻酬懸弧頌初度橫鶚看清流

寄成父

近寄成父書疑不報忽得書知  
在城中約重九欲歸過節來此

屢約過茅舍終成覓順舟書來勤問訊病去苦淹留  
邂逅行人往丁寧藥物求那知空悵望直恐遂沈浮  
薜蘿猶青蕊鬢毛非黑頭平生愛此節今歲祗空酬  
度日渾無賴期君得散憂柴車夙須辦草徑掃令幽  
豈乏登臨處堪為耳目謀躋攀無脚力夢寐想神遊

寄贈曾裘父兼呈嚴黎二師

憶昨初南渡吾家住信州樞庭嘗牧守詞掖舊淹留  
生世夫何晚斯人不易求風流付篇翰零落卧山邱  
尚友

當論世如公實並遊近功稱共學為偽說橫流白首無  
愆素清名所得優百年安甕牖萬里罷浮遊太守尊徐  
孺鄉人慕少游成蹊自桃李有臭別薰猶久矣聞風義  
因茲速置郵碧雲增悵望石鼎怕冥搜王謝池臺古巖  
黎鐘磬幽林園小搖落巖壑細雕鏤豈曰忘徵逐懷哉  
困阻脩駉蛩終有合鍼石詎難收

用韓文公送鄭尚書韻寄雷朝宗兼屬歐陽全

真

莽莽湖中客悠悠月下杯飛騰南海士斷絕尺書開三  
命今為牧傳聞祝以來貪泉姑著詠驛使且催迴賓客  
有文士登臨仍古臺唱酬須寫寄屬和恐非才

寄黃子耕

野寺已黃昏高軒辱過門交遊夫豈乏情義獨能敦我  
已家聲愧君今風氣存一官何未試多難亦成屯詩本  
吾家事經從達者論明知有傳受未易測淵源近訪湖  
邊宅猶餘漲水痕如聞江上郡欲覓隱居園邂逅空題

句飄零難具言折梅無以贈三嗅鬢霜繁

寄程可久丈

聞道沙隨老遂為安國居逢人難問似近况復何如此  
士猶松徑何人在石渠儒林有韓孟待詔自嚴徐別去  
常勞夢新來更欠書久知腰倦折懸想病都除蕃國吾  
州近冰溪一水餘秋風期命駕春雨政携鋤

送藍吉州

前歲公開府隣疆我適移山坳深遣戍齋閣遠投詩去

國衰王粲逢人說項斯春秋其我罪觀過可仁知流轉  
今初定保持端自誰筆難窮記牘禮欲違賓墀累日方  
求棹傳聞遽解龜只云那有是及此信無疑春事崢嶸  
際農工勸相時吾曹一身計父母百年思鴈渚新浮綠  
楊堤亦裊絲茲時繫舡地異日寄書期學道安時順餘  
寒近酒宜臨分意無盡公爾豈其私

寄李處州

自入湖南路驅車得屢停流傳雖有句次舍或無亭嶮

絕猶云未艱危不易聽真宜太白醉未信屈原醒我去  
方蠻府公歸合漢庭願言均沛雨尚想獨當靈白雪故  
寡和黃麻須六經詔除期不晚得以慰飄零

送江憲移京西漕

流轉江湖後飄零歲月餘僅能瞻玉節忽已報除書借  
寇情雖切依劉計已踈二天元不遠大厦豈殊居使者  
澄清事明廷獻納攄循行聊偃薄朝覲勿躊躇處士獨  
苦節清江空舊魚昔聞曾誦此今日定何如

呈李和卿法曹

使者趨朝後參軍捧檄初重湖來至險兩月聽閑居豈  
是拘形役真成畏簡書祠官請已再郵傳報何疏風雨  
工欺我江山賴起予芻薪頻益櫓幼稚苦無儲鑿枘寧  
防此冠綉信有諸何心事刀筆但覺愧樵漁觀水知除  
滿看雲見卷舒故人方幕府見謂合何如

問候周子充丈

抗疏有歷載宣麻茲一朝漕河謹啓聞江水待乘潮豈



有夔龍輩而從鷗鷺招定應聊偃薄寧事久逍遙世既  
仍才美居還絕吝驕斷斷自讒慝曠曠本光昭往者資  
先覺今焉倚後彫公如再廊廟我亦遂簞瓢

寄誠齋先生

邇日使嶺表歷論無此賢誰歟記南海久矣賦貪泉已  
上蓬山直還居吏部銓省郎遲豈恨宣室夜重前掌制  
宜鴻筆談經合細旃茲為重儒術何止用詩仙四海推  
鳴鳳孤生悵跼鳶長安近抵日蜀道遠如天

辰故點  
中郡地

桓

褐春風倚歸心夜雨懸十年期撰履斗食政窮邊

寄劉子澄先生

春雨寒猶積春園木又榮武昌聞別駕生米見題名安  
否逢人問書題闕便行周圍懷細履陶酒憶徐傾會合  
知何日羈棲尚此生向來猶楚越今日遂蠻荆妻子飢  
寒累交朋時勢情未應終薄祿當復事深耕

魏辰州生日

昔在思文獻今馬見典刑玉良中有韞陂廣外無形毓

秀舒淮水飛聲出漢廷  
恩雖子符左官未繼種  
青諭俗書陰德傳家刻  
孝經庶幾相感格于以  
稱丁寧萬象皆春氣斯  
人乃德星否臧斯列上  
耳目豈途聽松茂寒仍  
秀蘭幽遠更馨不惟歸  
盛美併用祝脩齡

何叔信生日

既自科名就方勤問學為一官  
寧恨晚萬里此其基  
魏通家舊沅湘識面遲  
高懷每傾倒勝日共追隨  
要擬維熊什慚無黃綰辭  
迺翁松柏茂驥子渥洼姿

賀吳仲權召試館職

重為湖外別難寄日邊書詎敢疏風義欣聞有詔除圖  
書天祿閣文陣玉堂廬祕記資警校人材務養儲端如  
策晁董不比召嚴徐惟我高曾世曾仍位序居永懷元  
祐始絕歎建炎初哀謝今如此淒涼實在予

高祖嘗為祕閣校理曾祖

為祕書少監

蕃欲為辰陽之行適寺簿先生以使事來武陵  
既獲再侍又蒙俯用近者寄上鄙韻賜之輒復

次韻叙別併呈子實百六丈

歲事有豐儉民情關悴榮蓄儲雖具數郡邑頗空名為  
國深存慮勞公作是行違離頻領引避迨復心傾有志  
空前躅無成愧此生匆匆還進棹草草僅班荆對雨墳  
箠句省雲手足情千林喚歸去一雨勸催耕

張次律見招欲同一詩人飲既見乃新定遠令  
劉旦元贊也詰朝與之別別後寄之併寄次律

張侯呼我飲云欲醉詩人我媿野無格君能高出塵句

中真有畫筆下信如神不待平生識由來一語親衆皆  
嫌坦率意獨取天真願恨匆匆別殊乖款款陳王官欣  
舊轍蠻語昧初詢起此窮途哭端非傾蓋新度江風吼  
夕發軔雪飛晨行路嗟離濶題詩報苦辛

詠筍用昌黎韻

山居何所用種竹並楹軒聽雨宵忘寐搖風日破煩春  
來仍引蔓雨後競添孫迸砌思移石妨池欲廢盆隄防  
虞採掘檢束費晨昏自是林深茂非因地獨溫有朋如

角立布陣似爭騫  
戢戢株雖短駸駸勢已存  
卻行纔避碍逆曳  
遂難垠婢喜頻留步  
兒欣屢發言縱橫從可目  
散漫孰尋根蟻敗須攻穴  
羊侵要補藩驟驚疑九合還  
訝若車奔豈害偏藏徑  
何妨便滿園擁培規我力  
振拔果誰思坐見身長塹  
行者籜蔽垣苔俱滋濕暈蘭  
與王芳蓀未肯低前輩  
終當及次番萬杉真浪說  
千橘更何論蹇傲冬方見  
陰森夏乃繁務令收晚節  
忍把助朝餐此日聊成隱  
它年定改門韓公留句偉  
侯喜漫名掀韻

險言無麗搜窮筆殆髡直將攄鬱悶底用役神魂示子  
斯同作哦吟莫接噉

謝知縣文相率汎舟且訪寓舍併呈子暢兄

父老延見後詔書宣布餘臨流具舟楫散步輟車輿天  
氣清而朗物情和且舒聊為曲江飲報此暮春初人物  
玉相倚山川畫不如要窮詩律細寧遣酒行疏既益園  
官菜亦留溪友魚風期須我輩樂事見群居欲去鷺前  
導重來犬入裾還迂長者轍薄憇野人廬



既別文顯兄弟晚宿日光寺書懷寄之

別君當以詩此物不充飢二事交為病吾曹均坐茲欲  
談殊爛熳趣去苦淒悲晚宿投幽寺翻思赴野期風燈  
半明滅雨葉亂紛披安石畏作別淵明當語離萍蓬居  
靡定燥濕志難移問隱俱携弟躬耕皆有兒懷哉衡泌  
樂可以共棲遲

口占

稍不作山行山行眼界生晚禾場已築宿麥地初耕

角收牛策青裙負水甕自安如有道所樂是無營我亦  
懷茲願胡為計莫成

挽向參議

丞相遺家法雲仍多耐官著鞭期一躍失路困千盤竟  
死諸侯客空留神武冠  
象鸞終異志松柏遂孤蟠  
前輩今無幾臨風特屢歎  
臧孫宜有後龐老遺之安

七言律

立春日呈彥博并帖審知

憶昔少陵身在蜀，遇春曾憶兩京梅。  
我今久隔鄉關念，病後徒驚節物催。  
不見過門長者轍，可憐到手故人杯。  
長亭與想東征路，柳色青青拂面來。

晚春呈全真

九十日春餘十日，庭陰已作夏扶疎。  
桃花浪暖且振擻，燕子日長空廢書。  
故人行行重作別，倦雲悠悠思定居。  
及此莫孤朝與暮，易勝書禮問何如。

周愚卿出示楊謹仲墨帖

成都舊日揚雄宅今在清江鷗鷺洲  
願念書題成間閣  
忽逢翰墨見風流  
薌林草木年仍故此老詩篇晚更遒  
官事安能久羈我何時載子以扁舟

建康回使寄范帥從求詩帖許而未至

作意投公好賦詩無鹽竟自突西施  
生憎逼仄飢寒態  
不盡從容質問時已辦過江還敗興  
要期重謁愧無辭  
夜光明月雖防暗白日青天不碍知

聞子耕司戶兄非一日昨見墨帖於中州又誦

五言長篇於劉子澄許今茲乃遂識面輒題絕  
句以叙區區

墨妙初着眼自明誦詩還見五言城不惟喜獲吾黨士  
要是未忘山谷盟我亦可憐眈句癖君其勉力振家聲  
祇今此道寒如水莫以微官取重輕

馬上讀子庸詩集并懷子進子儀

一雨初收更有涼我時驅馬度危梁溪山慣見少新意  
詩句熟窺多舊行

僕先見此  
集他本

不使高飛向台省忍教微

祿滯柴桑難兄難弟俱奇士寧愧諸洪出豫章

謂龐  
玉鴻也

夜坐讀書有感示兒曹

昨夜秋風入短檠試繙編簡似前生不求甚解慕名語  
足記姓名嗤老兵但得作詩窮有味曷憂從宦久無成  
汝曹未可還翁學當念無田事筆耕

伏讀時中胡公墓誌輒用澹菴省齋銘詩之韻  
從仲威昆仲求本

千年廉蔭凜猶寒豈似乞人誇豆簞經病漢儒顛學癖

義求秦火未燒殘名章可愧功言立門戶在君兄弟難  
至寶獨完元自貴用輕寧事雀空彈

曾者英錄先提舉著述及屠龍禾譜與先世誌  
文見既副以長句次韻為謝

試用初如江發源斯人欠使百其年有孫解保書如束  
過我不嫌寒乏糴郡守舊聞曾奏疏鄉人今日有經筵  
縱云錄後有前例循吏藝文應並編

曾者英自太和携所錄謝民師觀妙詩文副以

長句見惠次韻酬答

別時黃落閉山風見日清霜鳴啞鐘二謝有詩皆可誦

七言兼與見傳宗舉幡故異司隸救右袒徒聞呂氏從

君獨淒涼能過我逢迎敢作謬為恭

者英嘗從觀妙學詩太和近有政令

之變皆士子所為云

張因叔尉曹借示賴陳丞擇之文編以長句還之

子昂高蹈固家風詩到後山仍更工何事棲遲猶五斗



向來推許漫諸公  
謂張天國欽夫平生但記逢人說一洗真成  
几馬空今日宦遊得此士知君不類漂陽窮

讀山谷文

深居度日渾亡賴小役踰旬抑又疲到處青山恃青眼  
隨行黃卷有黃詩少陵授受後千載此老風流彼一時  
衆作沛然雖莫禦要云萬折必東之

通問贛州留尚書并寄三首

去冬曾作送行詩豈料重臨歲甫移盍遣德星均四海

願令竹馬快并兒使君不獨符仍剖刺史還聞節再持  
吏治久安民則化九重於此有深思

疇昔王門耻曳裾每懷端拜獻公書簡編訖補遺忘後  
餽贐分霑憂患餘只信此心無改事詎知彼譖欲何如  
屬聞盛府重開幕適此故山歸駕車

陛下胡為先一州是公豈合久諸侯東江西江水且漲  
南山北山春正浮促席久思宣室問都人願覩翰林遊  
我家懷玉山之下亦擬探竒謁道周

賀周待制兼直學士院

重聞陸贄掌絲綸可念公朝道必伸暫向玉堂還舊直  
亞從鳳沼據通津招來贊普邊疆肅詔感山東德意新  
誰謂文章財小技計功端合畫麒麟

呈魯侍郎速

思人幾作訪茶山竹密如雲不敢刪未覺風流成歲遠  
政繇伯仲力追還長公舊日魯一識末路後來遭百艱  
邂逅探囊得行記贈公試遣略承顏

贈蕭叅議德藻二首

諸侯賓客湖南盛東海蕭生漢帝知前後相望真一揆  
流傳况復有新詩鄉來識面嗟無地今日登門可自遲  
未信千巖趣歸去近傳新把峽州麾

平生苕霅幾扁舟意在斯人豈漫遊聞道千巖有高隱  
甚思一見苦無由雖云葯石稍親近未害煙霞屢攬收  
况是交承我伯父援茲論契許前不

寄鄭祕校

吾邦豪傑未多聞義薄雲天獨數君遇歎登倉真甚惠  
當郊置驛信徒勤目前米價未為貴我自囊空先有云  
食粥敢言今數月更憂無粥但羨芹

聞宋伯潛李和卿孟養直有審察之命

柴門一閉動經旬何許書來事得新駱驛詔追三縣令  
崢嶸名聳漢廷臣浩然豈憶南山舊太白寧歌泗水春  
賦就梅花如肯寄長安不足少年人

觀賈元放書迹寄其弟季承

古寺荒涼客寓居閉門百事付乘除學知定力貧非病  
詩見新功樂有餘化鶴已空今已矣騎鯨何處問何如  
追懷存沒傷零落底事秋來音訊疏

寄贈湯司諫二首

御史曾追慶歷唐有孫還是紹興湯絕知騏驎難羈絆  
故遣松筠試雪霜如許人才豈終棄要之日月本何傷  
藓孤臺上蘓仙句多載寥寥無和章

自聞寬法離新州日日江頭數過舟學子尚知稱述作

君王寧不念謀猷五車頗困十年讀一見斬勝萬戶侯  
我亦東歸苦無日待公行矣勿遲留

贈楊左司三首

白下初逢使廣軒始披雲霧見青天黃花紅葉蒙深賞  
白髮青衫又十年舉室尚為湖外客一身還上浙江船  
尊羹鱸膾雖佳矣不是東歸重惘然

先生文力早騫騰今代詞人盡服膺已見陳詩歌上壽  
更須作頌紀中興敢如杜集高岑比尚媿韓門籍湜朋

政爾周流不知屆况于朝夕遂師承

有米聞說上封章造膝言之外敢昌但見詔除頻寵渥  
是知明聖識忠良都司萬事無不理一語九州當致康  
况此十年門下士反從勾漏弔沉湘

寄林運使三首

番禺城下牂牁水亦復分流過此州使節長瞻萬里外  
尺書忽到五溪頭酸寒應念早堪說奇勝聊云舊所遊  
嶺海滯公猶未召蠻荒著我更何尤



門第違離又一冬素書寥濶便艱通身隨田鴈辭湘水  
官許騎驢看華峰人笑半生耽落拓自欣三徑著疏慵  
顧慚囊粟無功受勤動終年是老農

憶昨登門誤取知再馬猶復似當時已容盡醉尊中酒  
更辱頻詢別後詩落落有懷那得寫悠悠重見果何期  
南山幸邇朝天路準擬追隨竹馬兒

寄曾運使

携詩十載舊登門一見長思闕細論豈憶猶蒙記名姓

故情仍許奉壘尊臨分更俾傳家集請事于今行嫡孫  
儻有新聞幸無棄素書無只報寒溫

別曾運使

鍾陵寂寞幾何年公自茶山又一傳萬里未能攀老鶴  
晚風那復聽鳴蟬乖離每覺如思古流轉何知復拜前  
騰欲相從還索去候門稚子望歸羈

投徐運使

白社多年井逕荒有孫還復以詩昌此懷願識亦已久

茲日能來豈所望  
莢後菊前霜  
錯落地長家  
遠客淒涼  
平生知己晦  
菴老為我談  
公遣墮旁

別徐運使

風聲富貴每多偏  
造物于公獨俾全  
笑我效曠忘露醜  
不知學步返難前  
侏儒自合奉囊粟  
衛尉何曾直一錢  
我地有飢能任耻  
熟聞高義薄雲天

程閣學知建寧府入對二首

日邊飛下詔  
黃新大府潛藩屬  
老成一代儒宗還  
北闕

十年法從對延英從容定有回天力咫尺重聞曳履聲  
便覺兒童語音好謝公今起慰蒼生

湖山十里芟荷香穩送朝天一夜航前席固應思見賈  
留行政不待徵黃懸知筆下三千字小試囊中一二方  
自笑侯芭今白首彈冠何敢企王陽

送周禮侍赴召

昨奉書題歲且更每逢人士說先生名高正倚斯文在  
身屈不妨吾道行天以蒼生付安石孰能三徑老淵明

自憐留落端何幸得向溪城一送迎

送韓建寧赴召二首

頻向清時課郡功履聲長憶未央宮  
祇言治行稱黃霸果見朝廷徵弱翁  
簡注豈惟陛下聖謹謠還見庶民同  
孰云故國非喬木賜第行看又植桐

憶公典選繼昌黎是我學人行卷時  
香火奉祠雖觖望簿書棲邑尚淹期  
長年敢有飄零恨末路欣逢陶冶私  
自度才能不堪舉直思求地勉寒饑

送吳提刑赴召三首

擁節西來歲未更，提封畧已遍循行。  
洞庭青草絕餘寇，沅水武谿俱力耕。  
勿漫繡衣閒直指，正應天下急澄清。  
治平已召吳公去，材秀何人是賈生。

連朝欲作送公詩，以頌懸知孰愈規。  
萬事要當明本末，一身切莫計安危。  
老農不過除莠稗，良葯安能棄朮芝。  
勿謂常談便輕鄙，獻言端自戒新奇。

只道邊城獄訟稀，那知亦有造空為。  
不惟寬大難容止。

正畏精明莫可欺已矣榜敲成俗吏懷哉香火奉湘祠  
儻蒙一紙聞天奏便是吹噓送上時

送王饒州赴召

吾君日旰坐延英寤寐得人成太平常恐珍才在空谷  
豈容舊德久專城潁州便合為丞相渤海無庸拜水衡  
今代吳公祇公是自慚名謝洛陽生

送京運使赴召二首

南浦維舟初拜公五谿隨牒限趨風問途欲假移官見

傾聽謹聞名節東不但朝陽僕鳴鳳正思御史昔乘驄  
我曹意見非黎庶大庇要令天下同

一官不恨落羈縻正謂邊頭獄訟稀但有膠膠還擾擾  
略無是是與非非詩書舊學渾忘却夢寐衡祠放得歸  
邂逅兩臺俱趣召尊鱸於此合知幾

代成父送趙信州移知台州

邦人初喜兩橋成詔旨還傳易鎮榮千里溪山如有恨  
一川風雨似增情未應重畀臨澗郡看即歸來侍通英



平日空哦海山賦便思懷謁問經行

呈趙蘄州善扛

雨合園林水滿池黃鸝無語鷺頻窺哦吟終日大自好  
黠陟與時殊不知北海定欣真識面阿連還喜伴成詩  
自從諸老凋寒後此事于今更屬誰

送張真州大經

渺渺春江綠水波客中送客倍愁多一麾出守輸公去  
三徑就荒如我何暫為淮人符剖竹即歸漢殿橐持荷

異時治狀稱優最十萬疲羸蒙拊摩

寄林信州

嶺近梅花開已多水南梅事又如何使君假日曾遊否  
客子臨風空屢哦好士何妨勤下榻豐年那有拙催科  
倦遊我亦懷三徑何況傳聞政免苛

送莫贛州

赤縣權宜非昔時近聞誰復古人為向來聲烈有如此  
今日飛騰已似遲鴈序相仍盡詞掖虎城寧獨待瓜期

歸哉懷玉山邊路準擬重看召節時

呈郭峽州二首

往者枉書并賜詩藹然高義見乎詞襄陽耆舊今餘幾  
海內風流更屬誰早日有懷期見止秋風於此得來思  
顧雖願被林宗識却恐人非詎辱知

鄉來識面苦無因今日升堂叙所親豈愛瀟湘為隱地  
故嗟伊洛沉風塵周程授受源流遠廣受聲名物望均

詔旨已聞班郡紱徵書看即動蒲輪

時姑夫有與郡指  
揮而長陽亦有就

命湖之

呈陸嚴州二首

一代詩盟孰主張  
試探源委見深長  
家聲甫里歸嚴瀨  
句法茶山出豫章  
千里寸心長炯炯  
十年兩鬢漫蒼蒼  
扁舟縱欲乘風去  
可不一登君子堂

去年犯雪到嚴州  
呵筆題詩曳履投  
所恨決然成間闊  
故茲復爾小遲留  
精金美玉自有價  
伯樂王良無即休  
珠玉見褒猶美疢  
葯酒瞑眩疾方瘳

呈莫信州障二首

稍將書札報黃堂  
僅得官亭繫野航  
文物願窺中秘直  
風流曾識省曹郎  
莫言長孺今閉閣  
舊說葛豐能擊彊  
未信吾州留得住  
天書咫尺會徵黃

公為州牧我州民  
敢叙當年半面親  
故喜來歸逢稔歲  
况於遊倦得閒身  
無功良醞不可戀  
仲叔豬肝猶累人  
最是妻孥苦  
驚恠奈何造請尚趨晨

寄李舒州二首

賸欲寄書兼寄詩病餘殊覺不能支西山南浦風前恨  
皖水瀟山天外思四海舊知寧我識百年深契舍公誰  
自違門第秋重老華髮蕭蕭異別時

賸欲題詩詩不成遣人空復附書行言邊詎止寒溫事  
紙上胡能底裏傾以我向公深有託知公于我未忘情  
扶持未可言門戶老大相看祇弟兄

寄曾使君昭

昭空青之孫時守濠罷歸除郢不  
赴空青學詩山谷山林使君之先

郎中所居堂名溪  
山則其園榜也

溪山杖策過山林萬竹千梅可慰心已悟濠魚真得計  
未嫌郢曲謝知音飛騰要路終無那咫尺春風且細尋  
詩自空青受山谷到公探討益精深

寄進賢令程可久

博士湖邊初拜公後來超化信常通一官何意偶同隸  
千里長懷幾望風墨綬于今天下半絃歌誰復古人中  
雙魚敬遣問無恙目極春江鴻墮空

送周德望之參告太學

郢州清節著吾州宜爾諸郎總好脩過我山林忘僻陋  
為君難黍乏淹留結交群從非一日欲話令人翻百憂

畫舸曾同李膺載竹林仍並阮咸遊

著與德友德邵之  
和三丈及昭禮等

攜遊膺咸  
謂和禮也

呈何縣丞

古屋無多客掛包占風政類鳥居巢誰能故賦感不遇  
亦莫空書廣絕交開閣屢搖塵戶壯憂磨時裊竹蒼梢  
南朝文物君家盛聽我追隨學詠嘲



送向如愚赴廬陵丞

乃祖當年耐官職遠孫今日振家聲閉門已盡五車讀  
補吏反為千里行丞不負君休自厭詩能窮我竟何成  
春風儘可寬役役不用迴頭數去程

呈謝資深縣丞源

平生夢寐臨川郡故在溪堂竹友齋句法已看行世集  
風聲猶得起人懷有孫住著園依水薄宦舊來松儼槐  
縱是塵埃政衝突可無一語道離乖

懷張丞用多字韻兼屬明叔

愁陰頗覺助煩疴，別日回頭已似多。  
聯詩古亦有韓孟，共和今豈無羊何。  
踏青未晚歸來約，舉白何妨醉後歌。  
顧憚禮容成簡慢，願君賞我勿加訶。

過玉光呈吳丞

又見秋風拉芟荷，也無官柳共婆娑。  
青山只作向來看，白髮自驚重到多。  
莫道予方有公事，須知地僻少經過。  
數公句刻雖無恙，題榜風流欠景坡。

賀向伯元通判休致

薊林再世企疎堂不但私榮國有光  
畢娶了知家法在耐官爰是祖風長  
眼明圖史猶年少手種檜松今老蒼  
父客同時亦同盛成都卜宅匪它揚

謂壽岡

贈王教授基仲

基仲諱某無為人父諱之道字彥由先君為無為縣日與彥由

遊文

先君昔作濡須令閭里所知清德高  
末路我今慚世業一門君乃冠辰髦  
長公已有朝陽譽

謂其兄蘭謙仲監察御史

夫子

寧淹獨冷曹顏念相從問疇昔不堪歲月去滔滔

先人病中

聞先公持節湖外嘗草啓云弟兄並擢于儒科間里獨高其清德蓋不能成萬言之痛心

贈袁州王教授時會

邂逅相逢索我詩我詩何有鬢空絲能聲故爾媿侯喜  
到處其誰說項斯肯約山行頻滯雨預懷別後費相思  
一官獨冷休形歎斯會簿書都不知

用韻寄孫推官二首

淚垢悲啼失母雛可思營室共啣蕪未能因事賦歸去

尚此折腰成走趨豈謂微官堪顧藉不難征路指虛無  
重輕得喪吾知矣莫待孔賓聞夜呼

珍重章泉萬竹雛護煩鄰里未應燕浮生固覺浮雲似  
逝者難堪逝水趨尚喜論詩有新益幸逃閱士若旁無  
君乎未可山林去僮欲赴盟其見呼

著近有千字韻屬教授兄而知縣尉曹皆嘗用  
是韻相酬贈亦成一首奉呈並屬錄事今年未  
見梅花故及之

回首江南千萬山，渺如霄漢遡難干。至前不見梅花朵，  
客裏何由老病寬。往日簿書如束濕，新來詩卷喜頻看。  
我衰才盡渾無奈，倚賴諸君為發端。

八月二十六日雨後呈沅陵教授

秋風比已涼如水，秋日還能熱似焚。驟對碧雲成突兀，  
忽看快雨灑繽紛。梧應留響中宵聽，菊為韶香九日聞。  
排遣羈愁消底物，要君詩律張吾軍。

挽黃參議

給事勲庸太史詩

山谷先生有叔父給事挽詩十首

凜然人物見家規

霜鬚同老豈無種孝友深根真得師治行所居皆可紀

人亡於此歎吾衰舊聞有道碑無媿今見雲孫無媿詞

郭林宗之墓同志者刻石立碑蔡邕為其文謂盧植曰吾為碑銘多矣皆有慙德惟郭有道無媿色耳

### 挽朱通判

堆勝題詩尚可懷異時吳楚渺何哉傳聞屢作南州佐  
政自不妨三逕開準擬歸舟成再見驚嗟玉樹有新摧  
要知盛德亡窮處連璧光輝者後來

題重修堆勝樓

白鷺洲前堆勝樓相望前後幾監州

東湖嘗為是州別駕有贈洪承奉詩


枝梧合付陶謝手嘯傲亦須稽阮流怪得江山還舊觀  
只應欄檻有新脩登臨媿我馬能賦假日空成半日留  
元衡過邢園同廣聲終日坐於習堂梅樹之下

得長句

一間茅屋數株梅三徑頻成為我開  
滕有游蜂能掠藥  
寂無飢雀下行苔  
長吟共惜頻驚落  
久坐何妨晚始回



為語清風莫輕掃  
明朝更欲杖藜來



溥熙稿卷十二

欽定四庫全書

集部

淳熙稿卷十三  
四

詳校官庶吉士臣吳烜

主事臣呂雲棟覆勘

總校官編修臣朱鈐

校對官中書臣吳樹萱

謄錄監生臣廉永倫

欽定四庫全書

淳熙稿卷十三

宋趙蕃撰

七言律

用老謝文立春韻贈周文顯蕃與文顯以癸巳  
歲是日相識始有倡酬故及之

時序飛騰不貸人相從還此賦迎春祇言世態有涼燠  
須信吾曹無故新長句能同李白好為儒未許賈山醇

兩郎玉立仍難弟誰道先生解久貧

次韻簽判丈立春日長句

未說麥黃如病人可堪梅落似殘春  
休論北客驚相嘆試問南公見一新  
謂恐齊民罹癘疫又言漢詔發深淳  
從茲度日能無事頻與傳詩慰此貧

是日招明叔飲明叔有詩次韻

客罷蕭然欲閉關竹陰梅影兩爛斑  
溫風不掠詩寒相老色聊須酒借顏  
此味何妨君與共流年莫待水西還

破春行樂胡為始快閣之餘有觀山

兩日不見在伯風雨中有懷因以簡之

卧聞急雨響林柯想見江頭聲更多兩日不來百憂集  
一杯猶憶醉時歌已孤柿栗霜天熟其柰衣裘卒歲何  
掾奉酸寒古云歎治時還重力田科

初二日復雨偶成

秋旱連冬勢未平何期小雨趁元正休論忽忽生為樂  
且對欣欣木向榮已分終身樂貧賤自無岐路覓功名

獨於詩律存餘習三日不談荆棘生

十九日雨中

帆來鳥去蘇州句落木長江老杜詩得意寫圖那辨此  
驚人吐句或能之長年役役愁肝腎老態駸駸入鬢髭  
寄謝樵夫與漁子可憐日用不能知

二月六日雨中簡諸君

人言好雨知時節紅白紛紛柰若何田父相呼稻當種  
園官語我菜添科日長燕子自無事渚漲桃花思汎波

寄謝同叅二三老未妨乘間數經過

雨陰未解成長句

一日舒晴十日陰春來時節更蕭森徐行索句茅簷靜  
孤坐焚香書屋深少日饑寒真累已莫年勲業已無心  
先賢遺傳時披讀頗怪山王在竹林

初十日早立寺門作

春天陰晴無定姿陰雲未卷晴風吹青山表見花顏色  
綠竹增添鷺羽儀郭外不知誰是主眼中今日我題詩



人生何物非郵傳，敢謂吾廬不在茲。

季春十有三日作

晨起風寒又覺加，不知信復到何花。  
晴多且欲雨知節，雨久更思晴亦佳。  
寂寂蕙蘭非賸馥，紛紛姚魏掃殘葩。  
故山政好不歸去，筍蕨登盤僧餽茶。

三月三十日

正是春時病不聊，未嫌風雨送今朝。  
今年紅藥明年在，此日繁陰後日凋。  
詩癖不除終作祟，鬢霜無種自能饒。

平生吟友俱安在寥落天涯不可招

暑甚有懷山居

風不能清友病人睡常忘記更疲神世間自有寬涼處  
宵次休懷偏仄嘆腕倦不勝持羽扇頭童欲墊綸巾  
歸歟舊隱連脩竹幽鳥窺簷席有塵

呈歐陽伯威

傳得新詩字字驚佛廊驟識病身輕李邕昔已求工部  
文舉今宜薦禰衡祗道迷邦尚藍縷試令吐氣即崢嶸

一官不作來南限  
取友得交齊魯生

呈壽岡

夏雨淒淒曾過公  
祗今端復是秋風  
青青但保庭前竹  
渺渺不悲江上楓  
每憶誦詩頭且白  
可期頻見頰猶紅

蕃兒時已誦公詩今且老矣  
則公後凋之操可想而知

陶家九日明朝事  
問訊菊

籬開幾叢

九日

澗落峯寒似往時  
重陽面目許誰知  
搖搖楓葉未全赤

草草菊花成後期酒量稍增愁渴肺詩材頓減費衰髭  
一年節物財如此太息空形老大悲

九日遊馬祖巖

環城往往盡高峯更欲登高底可同馬祖自今成故寔  
龍山翻覺墮虛空當公迭唱青霄上政我孤吟返照中  
要是不孤吹帽節孰云真隔馬牛風

重陽後一日作

昨日重陽故作晴今晨陰慘倍愁生憑高已負登臨約

展卷空餘賦詠情  
籬下菊香殊寂寞  
瓶中桂影謾淒清  
感今懷古無窮意  
祇取村醪細細傾

至日

今年至日還為客  
墮我侵尋老境中  
照影不堪詩鬢禿  
向人無復酒顏紅  
石田茅屋鄉關異  
官柳野梅時序同  
試問一廛何所直  
苦令飄泊困西東

閏十一月十一日  
病酒不能扶頭  
忽得成父弟  
書繼又得叔異  
季承和詩  
偶成長句  
會有便先

寄叔異季承

北風將雪晝成陰  
冷屋閒認偃卧深  
百慮欲醒還皎皎  
白頭高擁更岑岑  
詩從嶺外來雙壁  
書自江東得萬金  
得友似斯真足慰  
有兄如我竟何任

酬在伯再用書事之韻

西行險絕類中巴  
東望悲涼底是家  
渺渺春風限啼鴉  
悠悠落日送歸鴉  
室盈幼稚為腰折  
腹有詩書宜氣華  
兩日不親顏色好  
出門還恐滯泥沙

酬湯莘夫用懷孫溫叟韻見貽

長夜漫漫起飯牛飛鳶跼跼墮炎州是皆有命無悲感  
孰若委心安去留駸足豈嫌鑿輅苦散才當追斧斤搜  
吾人故有交期在出處何須終並遊

尉曹用贈沅陵韻作詩見示亦用韻奉酬

元祐于今幾故家要尋遺事渺難涯虛名可媿鐵爐冒  
實美當知丙穴嘉柱後惠文余故窘伍符尺籍子無嗟  
神仙也說多官府何物蜂房亦趁衙

元祐謂君家玉池先生著之高祖亦

爲元祐  
館職去

王原慶有詩寄謝丈簽判子暢尉曹且以見及

次韻酬之

相望千里舊聞風何意論交邂逅中別去傷心念風雨  
詩來滿眼眩青紅通家契好君能記末路飄零我亦同  
江左名流數王謝一時況有小安豐

昨見子暢尉曹與靈鷲長老年公用蕃船字韻  
唱酬佳什用韻呈年老



幾思杖策禮金仙，聞道客來如貫船。政恐方成過溪送，不能容此對牀眠。愛公詩律真餘習，憐我宗門乏厚緣。願以如他示深旨，莫將麗藻闕多篇。

莘夫再用前韻作詩謝余過其居，復用韻答之。時莘夫欲從孫溫叟之館于廬陵城，并以為別兼用韻作一首寄孫。

漫道平生風馬牛，也能歷歷記吾州。相從大勝十年讀，肯過輕為一飯留。氣合未知投分晚，腹虛終苦和詩搜。

我方羈旅君當去契濶何時重與遊

蓋車驥服駕罷牛政使斯人此佐州大策本收經濟用  
三年何有課程留愛其義重雲天薄憐我詩窮肺腑搜  
子見懸知問何似為言歸決夢成遊

寄荅魯無已見貽詩卷

吾舅風流名海內霜清月淡有梅詩君魯一向蒸湘識  
句裏懸應摸索知邂逅已能成屢見殷勤還辱問歸期  
談間併為諸兄謝從此論交更不疑

沅陵用在伯林字作詩見屬次韻答之

畏寒終日卧窓陰衰颯政如霜後林勿謂官閒得廳冷  
幾因詩至啓門深酒才飲濕寧崇味琴且無弦豈嗜音  
政爾欲閒閒不得和詩頻改又頻吟

季奕見蕃與審知唱酬近詩過辱枉贈用韻奉  
答

故里歸來跡轉浮是身投老計何由山中閱世松筠老  
江上隨波雁鷺流攪鬢不堪供潦倒誦詩猶及問朋遊

西隣徐孺今文伯我爾俱當讓一頭

湯莘夫用孫溫叟韻見寄次韻答之余前寄莘夫詩元未達也

生氣千年藺與顏生前杯酒事如何誰令誤舍清江釣  
政爾甘持絕徼戈有句忽成能見憶感君知我未加訶  
晚風苦雜蟬鳴樹不謂林鷲尚有歌

再答曾元之

春風吹雨雨還晴晚日才昏昏復明屋角乍聞烏鵲喜

林間又聽勃姑鳴鷄豚已負隣翁社詩酒尚欣吾輩盟  
笑我難忘澹生活因君重憶舊風情

迂齋往葛水道中蚤起有詩見寄次韻答之

桑柘陰中數畝村病多終日厭昏昏忽傳寄我道間作  
徑欲過君竹下門坐看諸公上臺省誰知陶令在田園  
文章勲業元難並未易輕為得失論

和荅李季蓬因觀鄙語見贈

沅有蒞兮澧有蘭到今風物尚班班有懷未覺千年遠

無力能追一字還，贈我詩何富。風月知君助，不待江山  
沉聞方奏凌雲賦。寧復留繻待出關。

贈韋德卿秀才

蚌珠剖孰為冤鶴，豈鳴皋且唳天。對策未居金馬上，  
夜書猶即短檠邊。子誠異嗜如昌歆，我媿沉疴非藕船。  
永好固知當有報，思智才索不能篇。

次韻酬荅陳席慶伯見貽二首

詩成每輒肺肝愁，邛與人充耳目謀。敢謂老懷千里志

故憐飢作四方遊若人尚隱南山霧老我合從春水鷗  
舊契百年談未易且言家共古揚州

問君有賦敵相如誰為君王誦子虛去歲別家今未返  
有親須養得安居附名願見先友記宣布曾傳太史書  
清燕倘思詢舊事莫辭待詔久公車

次韻元衡憶上饒見示七言

避兵俱落信州溪為客豈知湖外期遠役不應因米屈  
秋風政爾悵鱸時故人已寄招魂作

斯遠近  
寄歎詩

吾子重歌

隱士詩回首天寒又霜雪可教猿鶴苦淒悲

玉汝行頗遽以詩留之

雲物荒荒苦未晴客程惓惓易成驚家貧縱乏淹留具  
意合能忘賦咏情底用飄然輕此去未妨聊爾聽流行  
年來已是乖離數况復相逢俱老生

寄太和舊遊

李暗桃春未是晚可憐孤負海棠天故應陶寫皆詩內  
安得淋漓到酒邊已辦經營求散吏便思瀟灑泛江船



相思異日題詩句遠屋扶疎陶令篇

秉文同成父問屋普圓過予而歸

朝響疎疎不晝光暮簷瀏瀏亦無長胡然可救焦枯厄  
政爾能成湔被方堆案文書小盤礴並溪草樹一徜徉  
君方問隱我思去異日相望何有鄉

過陳莘叔尹因以贈之

幾從邢子問先友相與談公口不空治獄盡心無詭論  
掛冠猶健有高風崢嶸正爾尚豪氣矍鑠未應閑是翁

兩月淹留見何晚竹林松徑暫時同

晚待明叔不至

為霜未就覺風繁撥火成灰思晤言立壁舊諳寧恹恹  
孤燈垂上只昏昏識言已過一陽復歸去可忘三徑存  
趙孟孰云能貴賤萬年端以勢依溫

王彥博徐審知頻來問疾口占示之

秋來瘡鬼不銷亡令我兼旬病在牀治藥頻成問良苦  
易衣終日屢炎涼但添物色增悲壯那有功名憶慨慷

多謝故人來問疾，幾回宵度石為梁。

邂逅徐應卿於都下，要之同歸不可索。詩因作

鉛山假尉懷初識，祖印依僧憶屢過。看鏡余今歎斑白

束書君亦尚犇波，肯因艇子俱歸否。捫此空囊奈若何

好並千巖學詩去，侯門彈鋏為悲歌。

千巖蕭德藻敦夫參議湖州所居蕭興應

卿尊公右元官教為

武岡甲判官交代

### 偶書

陰雲不肯放朝陽，霧雨真成作早霜。窻靜網絲縈紫几

壁疎蟲語撼藜牀故人秦越自肥瘠世事鶴鳧隨短長  
病不銜觴惟覓句不須吟詠轉淒涼

贈徐處士

南朝文士數徐陵騎省流風篆法存翰墨了知無異道  
丹青今復見諸孫規模要自胸中具繩尺嫌於筆下論  
太息藝成頭已白誰能持使獻金門

蕃有詩謝蕭伯和見訪伯和和之節推文見而  
同作謹用韻併呈教授文宗衡兄和詩之夕節

推文置酒招二丈飲予詠歸也

忽聞獨奏鳳將雛三歎遺音特未蕪禁裏端宜奉朝事  
幕中那得尚平趨臨流置酒高人意叩戶求詩俗士無  
迨此何妨屢還往可人況不費招呼

夜憶欽止斯遠

木葉騷然雨到時共眠僧榻各哦詩推移忽已年時事  
悵望相看天一涯別後屢書渾未報風前小立重相思  
人生知復幾寒暑一別長為數載期

訪韋丈叔能於嚴州西溪門外

春王正月附人書踵報祠官賦遂初到處頗成詢所寓  
忽能為說已謀居蘇州舊日詩無敵嚴瀨從來畫不如  
東館輕舟雖若駛可辭躡履到階除

示詹深父

濁涇清渭本源分寂寞安能亂糾紛世黠只知錢使鬼  
我癡但識穎呼君乘時大駟千金射望歲良農赤地耘  
富貴要知定何物五車何必為渠勤

經旬不作詩示明叔

春風著物已熙熙  
枯木無心亦自知  
徑欲殷勤辭故絮  
却憐窘束欠新詩  
老來政怯花經眼  
遊倦翻成鳥遶枝  
同病同憂有如子  
更堪相對兩霜髭

入夜應潭對岸作示成父

溪山風月兩相當  
痼疾真成得祕方  
往日同舟但饒信  
祇今去路落湖湘  
貧離親戚古所歎  
歸去田園老未忘  
試遣溪頭問酒價  
掃沙聊得踞胡牀

別約之舅

歎息無錢歸買山，駕言渺渺不知還。  
為家百畝未為泰，何事一生長苦慳。  
我漫參軍作蠻語，公能詩賦動江關。  
固窮似舅詩難敵，不待牀分上下間。

送成父弟赴補試兼屬同行親友

南省新陞弟子員，詔來郡國示詳延。  
百年涵養期為用，一日選掄非所先。  
珍重好營當暑服，丁寧休覓候潮船。  
故知同役皆親友，莫忘書來慰目前。



用送成父弟韻送周明甫赴補

詔取咸知有定員朋來爭欲副招延揚眉欲競將誰與  
見敵能輕孰子先養志鄉時惟負米薄遊今日整求船  
男兒富貴須勤苦笑我區區但眼前

送孝顯彥博昆仲赴補仍用前韻

清時擇士宜充員大闢賢關務遠延一日擅場稱舉子  
百年匡國是儒先為言行役加餐飯仍祝濤江穩放船  
意愜歸來期不晚秋風觴酒大入前

送張剛中赴省

王都觀闕兩巍巍遠道觀光亦已稀  
當念功名方發軔可辭塵土整侵衣  
春風咫尺君得意晚歲伶仃我欲歸  
儻過南山語吾弟尺書因冷倦重揮

又成父弟往餘干謁趙叔遂至池陽廬陵謁二  
周先生長句送行

歸我山中未一年兩回題子送行篇  
況今客路飛紅葉不比春風啼杜鵑  
東閣翹材嗟久闊長沙夜席已喧傳

子行歷聘應兄問併謝江東有二天

過吳江訪尉曹李仲純不值代簡寄之

曉尋仙尉向吳江聞道乘舟警吠厖漁具畫圖餘面覲  
松陵酬倡阻心降因人尚擬它時寄共看無因絕境雙  
二季一翁新作別望君須遣候舡牕

因送王亢宗便寄

經年不遇辰州使忽喜黔陽信使通縣尉已聞辭令尹  
校官仍說困治中可堪契闊漂流處長憶追隨寂寞同

已是湖南更湖北  
欲言風物怕愁公

贈王進之

走遍東南數十州  
皇皇長媿食為謀  
閱人政爾亦多矣  
有客可能如此不  
歎我漫知眈句僻  
如君真復是詩流  
相逢頗恨夫何晚  
華髮蕭蕭今滿頭

贈別遊子明時子明已解安仁印  
綬未離任云  
頻年此地幾維舟  
愧費主人雞黍留  
祗道雙鳧已朝帝  
那知一鶚尚遲秋  
小能過我談不惡  
重復別君空作憂

問訊東歸所經歷但云巖石過丫頭

奉贈子冉議郎老兄

大阮談詩數起予為言小阮最憐渠客中邂逅能君識  
天外飄零孰我如家世要談京洛舊古碑共閱漢唐餘  
所期共剪西窗燭卻值移家方借車

贈別謝茂直

江東何許上饒郡置吏能淹謝法曹與世相逢腰漫折  
對山吟詠首頻搔誰憐老去斗升祿未博平生燈火勞

我自都城與君別一官於此始青袍

贈沈沅陵

紹聖同年今幾家汎然遊宦偶天涯先因避賊來江左  
身欠看山到永嘉世祿相期會騰踏束書寧復漫咨嗟  
我今山色催歸意君政黃紬穩聽衙

贈李子永泳

漫刺平生不妄投不知我者謂何求平生願作李君御  
問事況聞他秩抽驛舍夜涼陪麈尾野田風晚從遨頭

可嗟鞅掌催成去未盡登臨山水幽

贈馬奉先二首值其已病竟不相識

使君何苦向宜州應為涪翁句法留銅柱寧興跼鳶嘆  
金華要遂牧羊求壯時根本先培固老去波瀾重卷收  
我亦學詩窮未達是中得處可聞否

湘山湘水久經懷近歲扁舟始一來頗見留傳詩句寫  
故勝摸索畫圖開城南雖鬱平生志冀北未空千里才  
壯節曾聞趣除詔辭官何乃尚徘徊

溧陽別成父弟兼寄遠父秉文

策蹇同來秋始高，肅霜於此背征袍。  
別離搖落誰人句，險阻艱難卒歲勞。  
好在梅花千雪樹，因思我友兩文豪。  
莫道凶年政艱食，徑須一醉辦康醪。

溧陽邂逅胡安豐赴官送以二詩

清江江上順風船，大軸持來得縱觀。  
幾對江山憶談笑，故懷書札欠平安。  
傳聞召節趣歸對，不信淮州勞跨鞍。  
我欲渡江因病返，豈期於此刺探漫。



丈人筆力老波瀾平處猶能敵建安  
安甃為時清掌邊鑰  
却來夜直上金鑿帳儂三徑歸來引  
翻作五溪行路難  
邂逅一欣還別去  
雪泥連日未全乾

鄧師契縣尉以沅陵韻作詩見貽次韻

歎息師門久不傳  
葦間幾欲聽延緣  
多君有意工文字  
老我空能歷歲年  
鵬鷃故知難一辨  
雙螭空復妄相憐  
雖然亦可淒涼慰  
祇恐廢篇別是篇

十二月二十六日

水有紫紆何自來竹能森爽為誰栽  
山僧乞飯朝一出  
幽子題詩日幾迴  
放鶴未妨頻有客  
騎驢正爾獨尋梅  
得閒且盡幽居趣  
顧我初無當世才

人日

元日雖晴人日陰  
梅花如積杏花深  
未憂盈室無儲粟  
且恃春風洗破衾  
莫恠物華常草草  
定緣老態日駸駸  
不須憤泣卞和玉  
何有矜誇季子金

人日懷成父弟

人日雨連元日陰杜陵時節已如今苔迷草色閑多思  
竹倚梅花瘦不禁徵事還愆退之集題詩漫有蜀州心  
溪南有弟遙成隔目斷蒼然暮色侵

同邢希聲遊化成岳

客授表州且二三勝遊茲日始輿藍僧殘尚保高低寺  
跡古猶呼上下岳不省眼中如昔否可慙筆底欠窮探  
平泉草木今金瀨免郡還家未趁參

寺有李衛公祠金瀨在溧陽懷前守

侍御史

李公

寒食前一日伯永相約過陳氏茅軒蕃亦載  
酒共往與者常寧尉曹明叔伯和蕃賦詩

茅軒臨水自誰開況有茶蘼玉作堆佳節愁孤一百五  
可人共約兩三杯輕雷淡雨林間過落日清風座上催  
更喜經行遠城市不妨杖屨晚方回

袁州北崇勝寺二首

病中曾覓庾戍炊別後東西無自知似說諸侯枉行卷  
却從羣彥赴明時相如定辱君王問鄭老寧容爾汝期

幾欲寄書愁不達偶因閒暇一酬詩

故人貽我壁間詩何處飄零負此期  
蹭蹬我今慙薄宦  
飛騰君合起明時雖然不用逢人說  
老矣何庸覓世知  
借問還家底為計兒能樵木婦能炊

呈明叔且約詰朝過買江天閣

老屋支風政覺疎況堪急雪墮空虛  
黑甜頗念華胥去  
白戰仍牽故事餘雀噪還啗家立壁  
鼠窺欲下粟無儲  
江天快閣相縈帶曳履明朝不命車

三月十七日以檄出行賑貸旬日而復反自州  
門至老竹自老竹至鷺口復回老竹由乾溪上  
入浦口汎舟以歸得詩十首銅馬丁女諸峯皆  
舟行所歷云

參軍出郭匪幽尋使者移文播德音石蒜榆皮那得飽  
刀耕火種豈能任義倉政爾因饑發賑歷茲焉遣吏臨  
比屋故知難戶曉分行聊得盡吾心

聞道高原尚苦乾未妨平陸欲生湍眼中乍見扶藜出

耳畔未嗟啼鳥謹漢詔當知本寬大  
幽詩政復著艱難  
爾能粗得飢腸實我亦安辭脚力酸

馬驥嶺下源初發鷺口山前漸可舟  
一百八盤誰謂險  
二十四溪何自遊深厲淺揭故數數  
車煩馬殆真悠悠  
惜哉當此方倥偬不然亦足供夷猶

大麥初齊積漸黃青青小麥更連岡  
去冬屢雪有如此  
今歲一豐端可望負籠不須嗟甚苦  
腰鎌行且看爭忙  
大倉紅腐憎泥土亦復遥思餅餌香

既雨得晴晴亦佳  
筍輿終日度  
呶啞蒙籠篁竹四三里  
髣髴茅茨三五家  
鄰舍相聞亦雞犬  
田疇隨事有桑麻  
居夷何陋慚君子  
不爾辭官學種畬

乾溪溪側彈子洞  
薄暮過之聊且休  
志欲山林成獨往  
媿無名姓繼三遊  
竒竒恠恠乏畫手  
鑿鑿磷磷宜枕流  
巖岫水泉真兩得  
未容石井獨吾州

春今回首便天涯  
留得芳英在物華  
野色似雲閒放犢  
樹陰如幄暗巢鴉  
金錢滿地空心草  
紫綺漫郊苦菜花



試攷方言助多識欲傳名字入詩家

浦口江頭艇子呼有懷逸興恐成孤非關郵傳憎塵土  
自愛江山入畫圖峯勢宛如神峻拔瀑痕渾似筆濃枯  
顧憐文力孱非敵賸欲追摹忽已逋

晚日微風墜鏡平中流直下縠紋生煙雲點綴多新態  
鷗鳥逢迎殆宿盟聚落近於邊境接村墟亦有戍樓橫  
雖然王化初無外接吟農桑畔不爭

世竒粵水與湘山此地元居楚粵間盡日覓詩終莫就

有時遊目不能還  
驟來遙點雨初過  
忽爾數峯雲自間  
遠碧近蒼元互映  
淺青深綠更相關

九日宜春道中

勿云秋意漫生悲  
可欠重陽一首詩  
瘦馬嘶風紅葉樹  
村帘沽酒菊花枝  
壺觴微逐紛皆是  
人物風流眇莫追  
獨立斜陽屢搔首  
未妨烏帽鬢絲垂

十二月一日因出小憩快閣而歸

昨宵已辨雪中燈  
今日晴來聊記曾  
病骨可堪風似刮

衰眸自喜句如冰  
鴈因就暖長為客  
魚為逃寒返墮罾  
北去南來勿渠嘆  
身今淹泊歲還仍

賦辰州東園水鄉

往日蒼苔滿廢牆  
祇今新綠漲芳塘  
不唯新種荷成柄  
更復添栽柳作行  
墨客休題洛神賦  
主人政念水仙王  
倦遊拓落渾無此  
但擬攀摹學製裳

早到超果寺示成父且約歸日携家來遊

霧裏看花喜未昏  
竹園啼鳥愛頻言  
土膏穉麥如爭長

水脉清流却變渾，負郭無如此山寺。  
携家更擬泛溪村，卜居苦欲規佳處。  
佳處都歸祇樹園。

歸途

籃輿伊軋又前村，何許風來洗睡昏。  
木落盡還山面目，早深窮見水根源。  
相逢負擔皆征利，難覓隱居躬灌園。  
歸路苦長行易倦，斷鴉殘月記松門。

桃源道中用邢子中文舊韻

山川曾是避秦餘，何得真成畫不如。  
想象曾聞昔所賦。

經行為記我今初欲知  
賦役無逃遁看取耕桑  
映密疎  
雨笠煙蓑春正好盍拋  
手板便從渠

昨日絕湖頗危追賦二詩

平生謾說江湖樂小遇  
風濤意不任頗眩雲山  
相俯仰  
却憐水鳥恣浮沉神遊  
險向冤魂語笑傲強為  
洛下吟  
賴是初謀壯維楫不然  
何地覓壺金

鄙之為險舊知名盜奪  
漁侵恃以成波靜宴安  
猶几席  
風來洶湧甚戈兵欲知  
舟楫洄泐趣都在溪山  
表裏清

明日餘干又維纜  
誦詩還是憶長城

既絕湖得順風頃刻已見弁山二首

五日陰霾闕不開  
步行湖濱看帆來  
祇言命有窮年厄  
豈料風能今日回  
自是人心分順逆  
枉於造物示嫌猜  
蓬窻縱雨無深掩  
要見前山翠作堆

幾向詩中覓弁峯  
倦遊何意道茲從  
欲搜短句五七字  
却值浮雲千萬里  
頗覺嘯歌隨趣得  
不同應接向人慵  
連朝苦厭浮家惡  
今日翻思此地容

二十三日使風

江行已屬北風權此去寧憂上水船  
卧聽招呼帆轉脚起看飛濺  
水平舩鷗乘逸氣公仍泝鴈怯  
驚吹斷復連元妙未窮天籟說  
雄豪詩讀快哉篇

比與成父別謂先行矣及再至溧陽則猶未也  
留數日與之同歸用雪中懷家之韻

分携決意歸先我邂逅尚留翻  
挽渠已是常饑思稚子更逾三月  
欠家書歲云莫矣嗟何及歸去來  
分計莫如

壯志渡江思擊楫老懷尋壑願中車

過南昌以病不入城縱望偶題

滕王閣上退之碑徐孺祠中魯直詩  
往客久遊常繫夢  
今行緣病復愆期  
霜彫南浦短長柳雲掩西山濃澹姿  
落照有情增我恨  
晚風無力度帆遲

峽江舟中懷徐審知

峽江江上曉乘風  
人語雞聲宿霧中  
自入江西此差勝  
有如吾子乃無同  
未憐終歲數行役  
可料此生長困窮



獨是嗜詩餘習在聳肩搔髮願求工

寄題周氏園亭

紅紫矜春一夢空  
綠陰青子竟匆匆  
那知黛色二千尺  
況說蒼髯十八翁  
萬卷讀書餘舊習  
百年種德待成功  
吾家相望牛鳴地  
來往懸知亦許同

蒙齋

嶄巖鬱鬱勢參天  
下有幽幽百尺泉  
淺汲寧容長蛙鮒  
早年端可洗蜚蜚  
若人懷寶故如此  
笑彼發蒙真易然

不但作詩能換骨更知讀易已忘筌

題堪隱

在玉山  
尉廨

考槃何必澗之阿喧寂由來無異科  
筆下煙雲供點綴  
胷中邱壑寄婆婆清譚不負玉塵尾  
白酒未孤金叵羅  
試數王春才幾日落梅將盡鳥聞歌

蕃歸自浙之十日斯遠赴處州之約入城自此  
遂將從處州入關逆還往謁朱晦菴先生興懷  
契闊乃成長句

展卷才披別後詩，倡余和汝媿猶遲。  
書來喚去有前約，力挽莫留聊後期。  
徵逐里閭平，日事飄零山水異。  
時思從師千里多，君志餬口四方憐我饑。

寄題周霍丘寓齋

君住瀟湘作寓齋，賦歸仍與是齋偕。  
已知身世非真著，肯向功名怨寡諧。  
雨後更無雲在嶺，曉來那有月當階。  
幾思談妙相從去，人事胡為苦好乖。

同張伯永出郊迓客倦歎之餘，因以成詠。

度日無惊得養痾不知春事已云多桃花灼灼為誰好  
楊柳依依如恨何曲折東西山展畫抑揚高下鳥聞歌  
是間有句彊能管古淡如君莫我訶

周允升見臨已而涉過其書堂二詩贈之

漣川川上一書堂岸缺籬崩徑亦荒問訊主人空日日  
自憐求友亦皇皇豈期雪後能相過不憚風前往送將  
隴菜半蕪梅摘索未妨小立更尋香

問學知君有所從未聞論事劇談鋒滔滔元自濫觴水

凜凜定期寒歲松不負師承經子厚共於人物惜元龍  
連川川上書堂路寧復斯人舊履蹤

謂南軒先生也

訪孫子進子肅於黃堰

茅屋啼雞日過中小舟隨問曲能通遙遙黃堰忽重到  
落落白頭今一翁別後每懷音問闊見時還許笑言同  
倡予和汝平生事惆悵春風又起鴻

劉伯山書來云有施主為造一亭劉子澄名曰

竹溪索詩為賦二首

竹外青原久不看書來賸喜報平安脩筠流水故亦有  
高士韻人良獨難杜老不應棲錦里謫仙終合見金鑾  
茲亭便與圖經載何況製名繇孟韓

今人那有郗嘉賓為子經營茅棟新可待絃歌資迺具  
詎須出郭始離塵舊詩頗願窮岡割後約要容王翰鄰  
更喚能詩子歐子不因對月自三人

遊石壁寺懷禪月

一棹夷猶石壁來寺門雜樹向溪開  
七言粗可供詩本

十幅誰能致鞞材想見高情澹雲水未嗟陳迹掩莓苔  
倦遊到處渾如昔欲住還成破雨回

登愚卿無盡藏再用韻呈愚卿

白雲故遠青原寺青竹深藏白鷺洲物外未能窮往迹  
眼中欣復對詩流功名邂逅何嗟晚歲月侵尋直漫道  
擬盡崎嶇仍窈窕幾時扶策更拏舟

淳熙稿卷十三